

永平府志卷五十六

列傳八 仕蹟一

**金**

王信字立斯灤州人屢試鄉薦不第天會三年以戶紀從元帥屢戰有功皇統五年特授信武將軍九加至鎮國上將軍開國侯四任縣令判橫海軍皆以廉平稱先業俱讓諸弟蔭敘首及弟姪

李元璋字寶臣馬城人少穎悟每千言一覽成誦未弱冠登正隆元年律科上第任西北路招討有能名陞左三品校法歷石城簿豐潤丞夏津令泰和閒訪山

永平府志

卷五十六

仕蹟一

一

東賢能舉官第一章宗特旨宣問璋奏正紀綱近忠直遠邪佞數事上嘉納之擢吏部尚書官至少中大夫上護軍府隴西郡開國侯食邑二千戶實封一百戶賜紫金魚袋元璋事父母甚謹公餘拱立父側命退乃退溫清覲省曲盡其禮鄉邦稱之兄元道詞賦進士仕至節度判官

康熙舊志附引州志云四子邦基榛子鎮監酒邦秀忠顯校尉

邦彥平州觀察推官邦獻以文字科出身授元平灤路副都總管孫緯警使纓千戶綱惠州同知經元帥府鎮撫繪敦武校尉

趙思文平州人累官至禮部尚書時朝廷多難思文在閒關羈旅中未嘗墮於非禮時人稱之

胡肇營州人章宗時爲嘉祥尹興學校禁侵漁獄無留

訟吏不敢欺有蝗不入境之異

山東通志

元

張晉宋橫渠五世孫歷官睢州防禦使太宗六年賜第於燕並食邑於灤見灤北有橫山追思其祖榜曰橫雲清逸築橫渠書院於東南隅弟智爲王府參謀

崔煜遷安人事親以孝聞至正中任遼陽行省郎中程思忠作亂據永平剽掠鄉民煜領兵保障之後官至參政

馮驥字志遠遼西人任撫州路總管不事苛察務全大

永平府志

卷五十六

仕蹟一

一一

體至正甲申乙酉歲饑煮粥以給餓者復請於朝得鈔五十萬錠賑之又勸貸富室以補不足民賴全活

江西通志

孟國寶樂亭人中統初仕至太守弟國祥中統閒仕興

元軍判官俱有賢聲

齊泰樂亭人至正閒任登封主簿興學勸農平獄均徭九年政成民立碑頌之

王仲位世居樂亭父統剛毅有才力金末爲裨將從鎮國上將軍完顏公領兵鎮高麗東方得甯統之功居多仲位於元初從奇渥氏擊信安兒有功授左監軍

取金汴蔡擢先鋒西蜀事平賜璽書銀符中統初陞  
大都大同眞定等路奧魯都總管撫將士恩威兼至  
卒贈鎮國上將軍長子珪另傳仲子瓚授本路鎮撫  
不仕

王珪仲位長子襲官從兵四川至元二十年加授武畧  
將軍商州知州兼諸軍事持躬謙抑政事秩秩有條  
在任最久商人德之見陝西名宦志至元未陞宣命  
武節將軍成都路總管官治中兼奧魯等諸軍事子  
禩剛帶金符千夫長武略將軍

王伯川瓚子以祖蔭授文階先充斷事官知印後授懿

永平府志

卷五十六

仕蹟一

三

州判官遼陽行省美其清慎屢委問事及給散賑濟  
錢糧一無所私陞大都路豐潤縣尹所至有政聲未  
幾卒於官妻石氏見列女傳

王祥字興國珪曾孫也父珍

灤志  
作璽

任興元路千夫長武

略將軍沒於王事前至元閒祥從父至江淮與南兵  
戰發九矢斃九人以廕補侍御親軍忠顯校尉數立  
奇功賜金牌晉武義將軍擢武略將軍乃牙叛討平  
之加武節將軍累章求退詔許之時年六十有三蕭  
然野處訓誨子弟大德七年卒年七十有九贈金吾  
上將軍征行兵馬都元帥妻何氏封修武校尉中衛

郡君

王榮祿遷安人通兵書有謀畧以旗軍總從世祖征伐所向克捷累遷至昭武大將軍河南路總管後遷鎮西夏體恤軍民撫番有方加都元帥輔國上將軍

明

溫厚樂亭人洪武中薦辟入仕歷職勤能官至左僉都御史有聲載一統志

李樂樂亭人洪武中貢入太學永樂閒拜監察御史有激揚聲遷山東按察司副使卒後有行部者至詢樂得其子茂貧甚捐俸助之俾就塾則其品望可見矣

永平府志

卷五十六

仕蹟一

四

茂正統閒貢仕至高郵州知州茂子珏成化閒貢任

州判

史怡樂亭人永樂甲申貢入太學時遼軍亂入關怡守城有功授戶部郎中歷任江西左參政載明一統志

姚著遷安人永樂四年知臨淄縣廉勤公謹以循良稱

善文學多著述遷廣東高州知州

青州府志

鄭冕昌黎人永樂中以吏員爲安邱縣丞爲人長厚佐

政公勤百姓愛服遷工部主事

青州府志

崔碧字仲玉昌黎人永樂丁酉科舉人辛丑成進士宣德初拜交趾道監察御史持躬謇謇綽有能聲官至

山東按察僉事

案選舉志作戊戌進士此據墓誌改正

邵儼廬龍人永樂癸卯舉人石州同知陞南京戶部郎

中歷陝西右參議文章政事鄉邦所稱子瑄歲貢知

朝城老成謙謹以行誼著父子祀鄉賢祠孫鶴年嘉

靖戊子舉人知岢嵐州謝政屢空有祖父之風

李瑛遷安人永樂時知陽穀縣律已廉能有惠愛民甚

德之後陞戶部員外郎民為立去思碑於署

山東通志

李震撫甯人宣德初知沔陽州剛介不阿善於撫字修

飾學校後以老去民不忍舍

案選舉志震作宸貢生

王銳遷安人正統己未進士由知縣歷官都御史任事

永平府志

卷五十六

仕蹟一

五

有擔當不為勢怵巡撫延綏值叛兵搆亂銳率眾討

平之敘功廕子世襲錦衣衛百戶

案明朱國楨湧幢小

平府遷安縣人進士景泰間為彰德知府銳長身修  
髯顧盼生威有權術政治尚嚴察郡中吏民賢不肖  
賦則獄訟皆籍識自聽其政吏無為姦出必鑰關  
泥之民終歲不得與吏交一言縣吏以賄聞者案之  
即令去他事不中程者笞督令改案深究事情吏民  
畏之如神每行郡城中民皆閉戶無敢立道旁藏遠  
雞犬恐有聲銳時策馬過視馬耳不左右顧令民臨  
道屋俱作修廊簷外浚深溝雨潦得洩中道隆立令  
水赴溝中行委巷口樹柵有鑰甲夜即闔門釘板  
仰臥柵門外柝竟夜鳴姦人莫敢入郡地尤留心  
學校凡朔望謁先師廟已坐明倫堂聽諸生說經發  
疑考異諸生皆居學宮識姓名少暇令隸持數  
籌造明倫堂諸生持籌來自臨試或背誦書或作經  
義其他及不衣冠居者當是時鬢序間讀書  
聲洋洋盈耳丁祭陳鐘鼓鳴絃管升降揖遜甚都參  
政姚龍行部至府往見之出而歎曰此雖國學亦無

以如也

趙玉遷安人正統甲子舉人初知山東高唐州陞漢中知府並著治績致仕家居十年平心率物鄉人推重焉祀鄉賢

張文質字允中昌黎人正統壬戌進士授工科給事中遷通政使累陞禮部尚書重厚有容歷官四十餘年無過舉子忱亦舉進士官兵部郎中

祖述字尚賢昌黎人以福建參政左遷嘉定縣知縣勤恤民隱每朔望必集父老詢邑中利害因以邑濱海之田鬻於海額賦無從出宜蠲歲辦漕艘若干民力

永平府志

卷五十六

仕蹟一

六

不支多竄徙者宜罷奏上皆報可又境內水道爲渾潮所淤禾比不登次第疏濬水旱賴以無虞祀鄉賢杜謙字益之昌黎人幼失恃事繼母甚謹不拂父意登景泰甲戌進士授主事以姚夔薦出爲浙江布政司入尹京兆拜工部侍郎致仕歸謙居官善理事平易明決民懷吏畏在浙十有三年其建制多可爲經久計天下每歲上供綵段惟浙最多有造作不如常度者輒坐閱視官罪每當閱視輒推延以避責有積數年更數人者積久蒸浥損壞以致重造多費謙至閱視凡諸郡累年之積次第閱訖卽上進自後閱進以

時其爲政以忠厚仁恕爲本有惠利於人時定賦役等第按察使欲增損其則而盡貸無產之家謙以此輩皆游民而令賦役獨歸力穡之農非重本抑末之意卒從謙議歲侵特奏免田租若干舊有起運存留之數戶部以起運者不可免而止免存留者謙言若然則一省官俸軍餉俱乏矣二者必增損之乃可執奏不已朝廷從之子源亦第進士官至青州府知府陳恕字達道灤州人景泰庚午舉人仕至開封府同知折獄立斷吏不敢近案一語河汴屢決請發帑羨躬督築塞保全腴田數百頃考滿乞歸送者塞路行李

蕭索有司重其廉有贈遺卽市鐵鑄文廟祭器居鄉謹厚喜怒不形恤滫飧贍孤以純德稱

唐福東勝左衛世襲指揮中景泰庚午舉人孝友慕義  
歷知隨濱通三州有清白聲嘗鑄祭器以供聖祀加  
四品服俸九年考滿陞萊州知府未任卒祀鄉賢  
周斌字國用昌黎人登景泰辛未進士授御史按南畿  
河南陝西申理冤獄摘伏如神英廟復辟之初石曹  
輩乘勢作威福戕逐善類莫有敢撓之者斌爲河南  
道御史首倡同官張鵬周瑄等糾其欺罔萌亂十餘  
事帝震怒逮至便殿俾誦彈章而歷詰之眾皆怖懼

伏地下敢出一語斌神色自若手持章疏朗讀不少  
懾每讀至一事輒正色別白之且誦且對歷陳二凶  
罪狀至其冒功濫職上愕然曰彼率將士迎駕有功  
何謂冒論功行賞何謂濫斌曰此輩貪天功當時迎  
駕止數百人光祿賜酒饌名數具存今超遷至數千  
人非冒濫而何上默然悉收各御史下錦衣衛降謫  
有差斌斥知江陰縣石曹相繼取敗上從內閣李賢  
言令冒功迎駕陞官者自首改正四千餘人始悟御  
史言不謬也斌外威嚴而內平易江陰士民憚其風  
裁久之愛戴其愷悌嘗爲歌曰旱爲災周公禱之甘

雨來水爲患周公禱之陰雨散天順癸未以薦擢知  
開封府未幾轉陝西參政軍民遮道攀留白於提學  
副使劉昌記其遺愛立石頌德官至廣東布政使卒

於官年五十有七

案明史周斌附楊瑄傳諸御史下獄之時榜掠備至會大風雷拔木

發屋須臾大雨雹亨吉祥家大木俱折二人亦懼掌  
欽天監禮部侍郎湯序本亨黨亦言上天示警宜恤  
刑獄於是帝感悟戍瑄鵬鐵嶺衛餘貶知縣舊志傳  
太略此據明史及畿輔人物考增補舊作官至湖廣  
布政使

李勝永平衛人景泰辛未進士授御史陞河南按察僉  
事所至愾然發摘如神訟無冤滯

閻鼐字仲輔灤州人登景泰甲戌進士授監察御史巡

按兩浙鋤權橫清鹽鑛風紀甚嚴人以閻羅目之謫  
廣西平南主簿陞山東諸城知縣操履一致卒於官  
著有直庵集祀鄉賢

萬信昌黎人以明經任開封府知府有異政祀鄉賢載

明一統志

張泰樂亭人景泰閒貢入太學授桐鄉知縣時桐鄉新  
闢諸所未備泰至經營三載六事修舉民不告勞俗  
多水火葬泰禁之購地置義冢他如闢茅塞覈兼并  
招商賈皆可紀焉九年薦有成績陞開封府通判見  
桐鄉志

永平府志

卷五十六

仕蹟一

九

劉鉞撫甯人景泰癸酉科舉人成化初知介休縣以廉

明稱卒於官

山西通志

牛本樂亭人景泰丙子舉人授九江府同知涖官廉慎  
有惠政九年將代郡人赴部保留擢本府知府

王貴昌黎人以明經授蘇州郡丞陞慶陽知府有德望

祀鄉賢

高亮灤州人天順初由舉人知武鄉縣常巡阡陌課農  
桑省民疾苦道遇田婦饑耕者亮取視之皆糠粃藜  
藿亮流涕曰民窮如此牧民者之罪也後入覲民爭

餽贖一無所受

山西通志

盧敬其先山陽人徙定州元時又徙樂亭高祖和甫致和閒聞於鄉父斌生敬幼卽嗜學領成化乙酉鄉薦授兵部司務侃侃不阿冰操懍著五載考最進階嘗語其子梁棐輩曰世有營利者爲子孫計耳竟何益吾厄一第子孫必有第者若曹勉之丁外艱卒家業蕭然仲子梁歲貢不仕以子貴封右參議

宋銘昌黎人成化乙酉舉人任河南通許知縣仁恕清廉士民感戴有德政錄至今子孫繩繩人咸謂循良所致祀鄉賢

鄭已字克修山海衛人天資穎敏家貧刻意向學登成

永平府志

卷五十六

仕蹟一

十

化二年進士改庶吉士時劉文安典教習每閱已文輒歎曰山海乃有此人耶改監察御史會廷推撫臣抗章論之語侵當道成化四年慈懿太后崩將別葬給事中魏元偕同官三十九人抗章極諫御史康永韶亦偕同官四十一人爭之已與焉並伏哭文華門竟得如禮其年九月彗星見已復與同官上疏言大本未立異端太盛進退賞罰未公財用工役未省賑濟無策備禦無方凡八事帝優詔答之翌日已與同官胡深陳宏何純方昇張進祿復上疏請斥奸邪痛詆大學士商輅兵部尚書程信禮部尚書姚夔戶部

尙書馬昂謂此數人致天譴翌日早朝給事中董旻  
陳鶴胡智亦劾輅等疏呈御前故事諫官彈章非大  
廷宣讀則封進未有不讀而面呈者帝不悅輅等乞  
休帝唯聽昂去夔憤甚連疏求去已復與旻深等合  
疏攻而詆夔尤甚帝怒下已等九人獄會御史林誠  
亦嘗劾輅引病乞歸帝並屬誠吏給事中毛宏等論  
救輅亦請寬之乃各杖二十復其官六年巡按陝西  
值甘涼災沴邊境驛騷乃上匡時圖治等疏大要以  
安民練兵責在守令將帥而守令將帥之選責在吏  
兵二部探本則歸重於君身親儒臣以講學延大臣

以勤政獎直臣以來諫亶亶數千言剴切中窾得蒙  
上允復請舉賑濟飭邊備陝以西賴之定西侯蔣琬  
鎮甘肅其弟怙勢陵下監司莫敢問已欲按其罪語  
洩爲所劾戍宣府時謂琬有內援已又大臣所忌云  
宣鎮總戎雅敬已館諸梵宮士人受學者日眾有黠  
卒誣訐總戎累已繫闕下事白放歸孝宗踐祚詔復  
其官吏稱已性矜傲舊志謂其面詰人過罔所避以  
是弗亨於官然其剛正不阿之氣固有足以興起百

世以後者

參錄明史  
魏元傳

張廷綱字朝振永平衛人登成化壬辰進士授行人賜

一品服使安南回太監汪直執送西廠獄未幾廠革名散去罷歸纂府志

郝隆字景昌自汴徙灤中成化壬辰進士初官大理評事歷存寺副右寺正時江南有大獄逮者萬人公奉命往勘立決擢金華知府爲政寬平積穀數萬石備荒通濟橋燬修復之在任九載致仕歸進階亞中大夫

蕭顯字文明別號海釣山海衛人成化八年進士擢兵科給事中有武臣連中貴張大邊功希重賞顯批奏尾駁之直聲振一時會有涿州巫邪術惑眾抗章劾

永平府志

卷五十六

仕蹟一

十一

之並請禁私創庵觀言極剴切留不報一日召至左順門命中官面詰顯氣定語暢應對了了乃諭遣之又數日巫逐矣權倖愈疾顯居省中八年外遷鎮甯同知命下顯方對客作草書手閱報付其子曰趣治裝仍終數紙乃罷泣鎮甯八年調衢州又三年擢福建僉事所至皆盡心職業無厭薄意在衢州時句稽戎籍取非法刑具盡焚之得隱丁甚眾他如撫瑯瑩修學舍士民胥賴之後在福建領屯田事勸督交至民相率輸納歲無留逋齎萬壽賀表入都當道者欲以薦引招致之顯不顧也竟乞歸結廬於關城北之

圍春山以詩酒自娛著有海釣集鎮甯行橐其書法  
沈著頓挫卓然成家考槃餘事謂明代書家文董二  
大家外尙有三十二名家顯居其一臨渝東門上鎮  
東樓額天下第一關五大字係顯書角山上有顯草  
書石刻朝鮮使臣每登山摹搨俗謂之高麗碑參錄  
畿輔

志及畿輔人物  
考考繫餘事

謝綱字廷憲灤州人登成化壬辰進士素以孝友稱任  
上虞知縣泣政慈祥明決有質者一判兩服卒於官  
民皆望柩而哭祀鄉賢

李時其先鳳陽人有御史公謫爲盧龍民子從義以靖

永平府志

卷五十六

仕蹟一

十二

難功爲永平衛中所試百戶五世至凱凱生時父產  
悉讓諸兄獨養老母中成化丁酉舉人知岢嵐州八  
年廉平多惠政民俗因財退婚曲爲解諭完聚吏卒  
鰥者捐俸備禮以配之論財之俗爲變陞漢中府同  
知在任六年陞知平涼府持守不渝忤逆瑾改思州  
府又誣以前任庫藏不明落職追問踰年乃白補思  
恩府行至南甯中瘴癘卒於塗二子充濁充拙另傳  
王和遷安人登成化戊戌進士知館陶金壇二縣布愛  
舉滯召爲御史歷南北道論劾戶部尙書張鳳西廠  
太監汪直並奏革西廠聲動朝野外轉山東海道副

使平青州劇盜巡海中瘴卒於官生平廉介剛直卒之日貧不能殮同官爲哀金致賻始得歸葬祀鄉賢高璉字潤之灤州人登成化戊戌進士性方嚴謙退篤孝友耽墳典試南宮不第進太學聞見閎肆及登第尹臨邑勤政廣積值歲大侵民多濟活暇卽試士請業門下者多登仕籍焉三載政成遂罹疾卒時囊無數金幾不能殮祀鄉賢

馮清字士潔灤州人親喪廬墓三年手植松柏百餘株踰年繁茂里人歎異登成化癸卯鄉薦爲郿縣令慈義兼施獄有冤囚力爲詳豁後持金馬以酬揮之不

永平府志

卷五十六

仕蹟一

十四

受曰滌爾冤者國恩也何謝時以廉孝先生稱之

楊潤盧龍人成化癸卯科舉人任華亭縣教諭陞知金州剛方廉介德政著聞

楊祥灤州人成化時知朝城縣緝豪強寬逋賦勤恤民

隱政有實惠

山東通志

郭鏞遷安人登成化甲辰進士授金華推官平反詳允郡無冤獄倡修通濟橋用資利涉考選授御史巡按宣大遼東糾劾權貴綽有直聲轉山西副使督修邊牆節省糧耗軍民稱便勞瘁卒於官時稱清介崇祀

鄉賢

李宗商樂亭人霖仲子字尙質性沈靜寡言笑嗜學不倦登宏治庚戌進士授戶部主事歷員外郎中陞太僕寺少卿以忤當道謫兩淮運同致仕歸爲人有操守始終如一

高謙字天益灤州人登宏治癸丑進士性剛直不苟父早卒力本勤學事母不曠定省撫弟詳甚友愛初拜丹陽令邑庠隘乃拓學基崇殿廡講授經術又建津梁創倉宇議賑貸百度維新士人勒碑頌之陞青州同知轉刑部郎中陞平涼知府未幾調鞏昌逾月而卒祀鄉賢

永平府志

卷五十六

仕蹟一

十五

李金遷安人宏治癸丑進士官戶部員外郎有貴戚誣占民田勘實歸田於民孝廟奇之書名殿壁擢知德安府賑饑節冗白疑獄平劇盜周濂等以神明稱歷任山東副使道次子涵官布政使

畿輔通志

王春撫甯人登宏治丙辰進士授翰林院檢討侍壽王講出邸遷春左長史日以善道開悟有所陳對必云尊天子守祖宗法度孝宗嘉之賜正四品服庚申改周府左長史王在幼沖啟迪如在壽邸將婚汴之巨室有賄謀爲元妃者春發其奸別選當嗣爵庶兄託內使行金錢於春謀奪嫡春正色叱之遂寢乙亥王

以春輔道勤勞奏加三品服庚寅力求去嘉靖丙申卒

任惠字濟民灤州人登宏治丙辰進士授行人兩使周藩考績有聲遷南京吏科給事中正德元年九月偕同官諫佚遊語切直以彈劾太監高鳳革爲民後起山東僉事未任卒世廟登基詔旌爲忠直諫諍祀鄉

賢案明史任惠附戴銑傳

王蕃字邦憲灤州人登宏治丙辰進士由博士陞御史立朝謇諤不容人過嘗劾逆瑾彈媚臣陳晦等專勅切責移疾歸里幾數十年起守平涼又以中忤罷歸

永平府志

卷五十六

仕蹟一

十六

在雪崖詩集

案畿輔人物考蕃與惠交劾鳳亦革爲民詔與惠同旌起平涼太守與此微異

朱鑑字緝熙其先揚州海門人永樂二年遣富戶實北邊遂僑居盧龍之北鄉從遷者八戶因名其地曰八家寨始祖自名再傳至善生有卽鑑父天性孝友坦直積粟三千斛嘗貸媼鄰下取息鑑登宏治己未進士授刑部主事正德中劉瑾擅政舉朝獻媚者十之九鑑處之坦然正直不阿陞員外郎中出爲建甯知府居官嚴明果斷不受屬託郡人有神明之頌以母憂歸服闋補青州府知府在任五載其治如建甯致政還家村居不事交接居左建一小樓門前有井婦

非褻裳不敢至井汲里中嚴憚之如王彥方云子三  
伊廩生似早卒侶以貢生爲肥城訓導  
李炫遷安人幼而好學冬夏兀坐一室登宏治己未進  
士歷甘肅行僕卿河西叛將煽亂炫匿民舍中示方  
略而戢之事平誣執甚眾炫讞鞫多全活致政二紀  
課子耕讀足不至官府

王翊字汝溫永平衛人登宏治己未進士授兵科給事  
中督工泰陵中使董役者剝削軍士伐近陵山木代  
薪以規利劾之伏辜陞工科左給事中徽州有豪族  
爭訟數年不決命勘遂得情改御史覈應天諸郡公

藏知府某不職懼得罪密以金餽卽發其贓私罷之  
陞刑科都給事中武宗鋪宮奏省費數千金以濟邊  
餉陞順天府丞歲荒餓殍載途竭力賑活甚眾陞都  
察院左僉都御史提督雁門等關兼巡撫山西裁宗  
室驕橫以法權要規鹽利者峻拒之闔境肅然會敵  
分路入寇督兵禦之甯武關將吏以逗留失利劾其  
罪械繫京師因自劾並三邊撫臣俱左遷尋降浙江  
左參議豪民有匿租數十載躬履畝得數百頃爲公  
稅孝豐有作亂者遠近騷然眾議調兵勦之請先往  
至卽解散陞河南右參政分守南陽捕浙川礦賊乃

別脅從若干值盛寒多凍餒死悉活以粥遣之陞左  
僉都御史巡撫山東擇有司佈各郡審編戶則以均  
徭役王師討逆濠道經齊魯籌芻糧供億兵皆無敢  
犯及六飛南幸有司預集夫役數萬候境上疫作且  
乏食悉散歸第令及期無誤活者不可勝計鎮守指  
以供御大肆科索珝正色責之欲擊以笏乃止陞右  
副都御史巡撫陝西秦中宗室蕃衍祿每不給爲有  
司累令多方務積折補其數上下稱便河湟黠寇欲  
南下牧馬督固原將士嚴兵禦之遂遁歸略無所失  
邊民安堵陞南京大理寺卿擢兵部右侍郎卒賜祭

葬於城東蓮花源之原崇祀鄉賢子二長道平廕國  
子生

王輔字良佐灤州人登宏治己未進士授行人兩使封  
藩陞南京監察御史遷河南副使時逆瑾向所司索  
天鷲絨布千疋無則折價各府斂解八萬兩輔曰此  
民膏血我甘鼎鑊不可從發回給民瑾因假會審鄧  
丙事謫輔陽城縣知縣遷戶部主事歷員外郎中復  
陞河南副使以疾乞休鄉人稱爲長者祀鄉賢

魯鐸撫甯人登宏治壬戌進士授岳州推官陞大理評  
事會逆瑾擅權有黨繫獄鐸忤瑾竟抵罪謀中傷自

分必死乃以他事謫河內縣丞瑾事敗轉沂水縣令  
陞刑部主事歷官至山東按察司分巡海道爲人執  
法不阿遼人服之

陳鼐遷安人宏治壬戌進士勤儉明敏歷曹濮彬桂兵  
備副使每臨陣躬親督帥斬獲甚眾崇祀鄉賢

王溥遷安人宏治間舉人任安定縣知縣政治公平牧  
民如子陞知甯羌州士民送者擁道不得行號泣而

別陝西通志

張文燧遷安人以監知馬邑縣忠厚誠實吏畏民懷致

仕歸士民思之山西通志

永平府志

卷五十六

仕蹟一

十九

王念遷安人副使和之子登正德辛未進士部使欲爲  
立坊念以民貧謝寢之事母孝謹盡以先業畀兩弟  
知九江府修復廢毀民不病役在程蕃奏開貢額使  
知向化居鄉廉靜足跡不入公府平居鼓琴游吟居  
喪用家禮士大夫化之崇祀鄉賢

王道中撫甯人登正德甲戌進士授安慶府推官太湖  
人多避差有一人至縣卽令賠納至於蕩產傾家中  
親詣其地婉曲曉諭止令辦納已賦民困以蘇時宸  
濠之變餘黨未盡當事者往往以平民誣作奸細收  
捕多冤中查有贓仗旗幟者坐四人餘三百餘人盡

釋之庚辰陞刑部主事嘉靖癸未轉員外郎甲辰陞鴻臚寺右卿旋轉左卿十二年侍經筵敬謹如一乙未改大理寺右卿乙亥陞順天府尹辛亥卒著有黃齋集

廖自顯字德潛盧龍衛人家貧力學以廉恥自持登正德辛巳進士知潁上縣賑饑活數萬人陞御史視通州倉革中官監收弊按宣大劾鎮將科斂及殺降冒功山西巡撫與參議以小嫌爭忿劾罷之嘉靖庚寅鎮守建昌太監缺疏請裁革遂更遊擊將軍一時稱便出按山東巡撫邵錫清德藩軍校詭冒不從毆府

永平府志

卷五十六

仕蹟一

二十一

卒乃劾其長史承奉官爲所中錫罷待罪出自顯知汝甯府二載持法不撓罷歸居家二十四年日與故人徜徉東郭蓮池芝隴閒有拾燼集放言憫遺集從姪際可進士獻可舉人不急仕進三十餘年銓知卽墨旋垂橐歸亦里中高士云

張文成遷安人正德中以吏員任陝縣典史時流寇猖獗逼城成奮身出戰多所斬獲總督彭公聞其才檄領兵馬六千分路勦殺前後得首級千餘顆汝甯上蔡等路悉平功加三級邑人爲立祠舉人名宦鄉舉飲賓輿論欽服崇祀鄉賢

趙得佑盧龍人御史忠之曾孫三歲失恃長爲諸生遭鄰人橫逆而讀書自如人服其雅量登嘉靖癸未進士甫三月授陝西道御史巡按應天掌南京畿道嚴察蘇松等府案牘及糾劾輔臣羣黨側目外轉貴州僉事未幾以邊材調遼東再調山西兵備分巡冀南道轉貴州畢節道陞山東參議分守遼海東甯道陞陝西副使備兵肅州其在貴州卻金而服蠻苗及撫哈密酒泉頌之陞陝西行太僕寺卿致仕歷任二十七年以清介終林居泊然宅室敝陋郡守紀公巡以罰鍰置瓦甍於城扃將爲葺之得佑聞而艷然曰得佑

永平府志

卷五十六

仕蹟一

二十一

薄宦時無敢取一介恐虐地方今顧累及桑梓邪卒卻之年七十三卒

李涵遷安人按察副使金之子孝事孀母以田產讓弟登嘉靖癸未進士爲戶部郎督兌運尙書稱爲廉吏知延安府除水患賑饑民備兵肅州修嘉峪城軍民勒石記績補貴州兵備洗冤澤物民有天星之謠轉左布政擒首惡龍許保等苗民率服崇祀鄉賢

盧耿麒字仁淑樂亭人梁長子年十三入庠過目成誦弱冠登嘉靖癸未進士授工部虞衡司主事歷員外郎陞陝西僉事屯田甘肅給戍牛種丁內艱起補江

西僉事洗數沈冤陞山西參議比駐雲中當外叛甫平恩威並著卽強藩亦斂戢防邊有運籌功建修五堡世廟褒獎有巨鎮賴以永安之語復丁外艱起補山東參議陞山西副使以疾卒年四十有五麒麟貌玉立性直方篤孝友父產悉讓二弟所居庭前無旋馬地博極羣書尤工詩著藍山集涖官所至以明敏聞然議論辯博長官前亦不少遜終以此取忌焉崇祀鄉賢

趙瑞昌黎人幼有才行於嘉靖壬午舉鄉試授河南伊陽知縣居官清介逸興飄然出塵俗負陶靖節操卒

永平府志

卷五十六

仕蹟一

二十一

無遺金不能殮人皆痛惜

王庚字文祥灤州人登嘉靖癸未進士天資純篤寡言笑深易學後進多出其門三爲縣令有廉聲歷遷兵科都給事中慷慨敢言陞山西參政按察使陝西右布政卒於官祀鄉賢

闕傑盧龍人嘉靖乙酉舉人任荊州府推官以治行行取授石州知州遂辭歸耿介自好足不履城市者二十餘年

程畜德盧龍人剛正有執持以貢爲嵩縣訓導藁城教諭不責贄儀士敬憚之

張智遷安人由明經知遠定縣潔已奉公剗洗奸僞時  
修理學校政教大行有麥秀兩岐之瑞尋通判黃州  
民不忍其去爲立祠號清張里人舉祀鄉賢

李充濁字澄之時之子嘉靖丙戌進士知葉縣收黃山  
巨寇民爲立生祠與楚葉公漢王喬爲三令祠擢爲  
禮科給事中屢上封事陞浙江右參政改補河南修  
築隘口自順德界抵山西延亙九百餘里陞陝西按  
察使辨宦室子弟五人積冤陞河南右布政轉左尋  
改貴州賑銅仁荒歉活萬餘人募民以備苗變罷歸  
於城北營萬柳莊與故人爲飲社卒祀鄉賢弟充拙

永平府志

卷五十六

仕蹟一

二十三

字逸之嘉靖乙酉舉人與兄同榜知陳州俗刁滑多  
出入公門以擾害鄉民號爲挂搭羅織久莫能去下  
車訪首罪杖殺之餘悉逃散尋以母憂去補知南通  
州政平訟理卒於官充濁子淪字伯通處世閎以謹  
儉稱由歲貢授郟城縣丞郟稱難治民流稅逋淪於  
荒田立官莊捐俸創廬舍三十餘區號爲俸餘官莊  
買牛給種招集逃民耕懇收穫足公稅及傭值外餘  
入義舍備賑公私稱便民亦復業銓部廉其賢擢知  
郟城未踰年辭官歸

韓梅字應元永平衛人嘉靖戊子舉人任大同同知六

年廉平多惠有范驛丞死於官妻流落鬻女爲婢梅捐俸贖歸其母居家惇倫睦族鄉黨稱之

高擢字士元灤州人登嘉靖己丑進士由博士陞禮科給事中建言侃侃臺閣生風歷副都御史奉命提督操江晚築別墅於偏涼汀歸隱卒祀鄉賢

王鎬字宗周灤州人舉於鄉時嚴嵩爲司業欲收之門下不顧嘉靖己丑登進士授大理評事廷尉雅重之疑獄必屬焉擢御史首言追崇之禮出聖孝議禮諸臣不過將順而已何敢貪天功以徼榮自私當時中外臣僚羣起攻之未必無所見何至廢退者不起禁

錮者不釋哉按江西典試事分考官呈中夏相壻鎬日甯得罪於一家不得罪於多士竟黜之而相亦不銜再按河南下令蠲贖緩出餘帑大築黃河堤連護十城全腴田萬頃境內人材不通姓名舉之而鼓勢行私者抑焉巡視京營時京營冒鉅萬計姦利不可勝數提督爲宰執肺腑人莫敢問鎬輒奏去其甚者宰執銜之出爲山西副使兵備代州邊有警而代當其衝鎬備禦免虜患銜者仍左遷湖廣參議提督太和山至則督發中貴人贓弊人以天神目之轉山東參政卻羨金四千兩陞湖廣按察使禁戢宗室爲暴者

數人王以書來使去卽投櫝封之或於法得釋使來  
謝乃引至櫝取書還之實未發曰法當如是吾安敢  
低昂耶轉右布政攝左事諭解銀入則所司緘封進  
出則原緘發之惟據案端坐錙銖無所移筦庫不得  
與時倭寇猖獗爲繕城池備守具檄土著子弟出奇  
設伏左右翼擊殲之沈大觴數十擒斬俘獲無一東  
還者功當超擢給廕忌者沮之轉右僉都巡撫甯夏  
入境輒有斬獲會楊襄毅入吏部欲擢貳司馬嵩子  
世蕃大恚嗾給事中某論之召回京別用卽入京遇  
嵩長揖而已遂乞骸骨歸與兄同居貴不置私橐視  
猶子如已出終世未嘗一言干有司遇親舊有婚喪  
者助之而佐士之貧者交薦無虛歲而堅臥不起卒  
祀鄉賢

王好學樂亭人臣長子領嘉靖庚子鄉薦嘗試南京父  
卒痛爲肖像及令陳留蠲逋修學擢刺澤州佐歸德  
在在多善政及補太原弭盜祥刑請治宗室驕橫檄  
撫石州爲畫戰守之策歷陞戶部郎中督餉昌平時  
內使往來能正色戢之陞楚雄府知府乞休歸著有  
游藝集與弟好問並祀鄉賢

王好問字裕卿別號西塘樂亭人生有異兆弱冠抱當

世志舉於鄉卽卻餽金登嘉靖庚戌進士授太常博士時分宜當國韜晦自守久之擢御史以風節自持行法都城搏擊無所避會元夕一巨璫張燈邸第陳百戲都人士女聚觀有蹂躪死者璫浼好問勿以聞竟按其事奏劾豪貴斂手嘉隆之際內庫冊籍沈匿莫可究詰宦豎浸漁無算好問請清之得隱漏軍器二萬二千有奇又用事近習謀督營兵復抗疏謂自古未有以闖人監軍者卽有之亦衰世時事唐宋勿論如本朝王振劉瑾足爲殷鑒言甚切直再被命按秦晉上興革便宜數事時上好言祥瑞隴西山白鹿

芝草榆次天書皆斥不以獻公論躋之在職八年所言悉軍國大計如裨聖治止行幸肅戎政隆大典彰主德一政體飭禮儀勵新政慎卹典重孝思陳時議勤聖學諸疏多見施行當是時王侍御之名聞天下尋遷大理寺少卿晉太僕厯通政使工部侍郎轉刑戶二部累擢南京右都御史戶部尙書憂時思職無一少替南京米涌貴例當改折好問遽發倉粟而後以聞詔賑江南不待移文發賑曰奈何稽朝廷意以忍饑民先是爲卿貳時卽抗疏求退及入賀聖壽再請如初不允以滿上計遂四疏堅請得允歸數月卒

賜祭葬贈太子少保好問以好古自負留心聖賢之學立朝虔恭動由矩矱謙抑若不勝衣而內實毅然不可奪嘗謂道本平實安事苟難學貴定志勿爲利動能踐其所言終身恬澹寡交遊雖位躋崇膺食不兼味衣不重帛卒之曰家無餘貲平居手不釋卷著作甚富所著有春煦軒集三十六卷行世子渾然另傳從子順潮任宜川丞有才幹

舊志參用孫夏峰先生畿輔人物考案尚

書明史無傳其事蹟散見王治曾銑傳中歲寒老人曰劾巨璫不法並近習典兵此論列之大者而祥瑞不以聞更有識度卿貳卽抗疏求退尤見知止之義

賈韶字徵音昌黎人嘉靖二十一年由選貢授瑞安主

永平府志

卷五十六

仕蹟一

二十七

簿志行嚴謹勤於詰盜夜戶不扃委署泰順篆恤下情省供應邑大饑卽發廩賑之始上聞當道責之對曰民命懸於朝夕緩則何及泰民伐石紀其事後督輸王木卒於官民感德爲之立祠事載浙江通志郝宗啟字文卿灤州人隆孫嘉靖丙午舉人授博平知縣陞澤州知州學問深邃事親至孝居鄉勵行泣政有聲祀鄉賢

陳情字子孝灤州人嘉靖丙午舉人天性孝友見事明決隆慶元年令孝義有捍禦保城功後令長葛宿松並著廉明焚紅蓮七祖二百年肉身大得韓退之遺

意慮州城武備單弱造大礮十二位神槍二百桿爲  
守備著有五行弈藪行於世崇祀鄉賢

劉復禮字曰仁號任齋山海衛人嘉靖壬子舉人坦易  
謹飭宰長子縣刺渾源州遷冬官郎守保甯郡所至  
恩威並著有禱雨立應苦井變甘之異郡人立石頌  
德擢同卿駐甯夏預知哮喘拜反默爲防備尋丁艱致  
政歸依居舊廬泊如也幼以孝聞暮年與季弟同爨  
每舉箸必呼弟弟他往則不食季弟有子口授而教  
之亦成明經里人有修郟者質成警曉之皆愧服

蕭大謙字民服山海衛人僉事顯之孫性質樸雖屢空

永平府志

卷五十六

仕蹟一

二十八

微不介意遊成均時嘗拾遺金待還其人後領嘉靖  
壬子鄉薦令懷仁泰安皆恥結納專意實政士民懷  
其撫字而當道恚其無餽遺竟罷歸行李蕭然至不  
能充食處之自如年八十有一卒祀鄉賢

穆思敬字以莊山海人隆慶元年例貢任南直鳳陽府  
臨淮縣縣丞上臺屢有獎薦沒後縣令薛公銘其墓  
曰偉哉穆公耿介爲衷副琴半載玉潔冰清士民景  
仰絃誦天青輸給饋餉眾庶心傾擒獲積蠹奏凱成  
功柏臺疊薦聿觀厥成勳未大就鶴駕仙昇

王大用東勝衛人登隆慶戊辰進士授扶溝知縣執法

無所阿當路銜之左遷東平州判陞滕縣令明習吏事每事必探弊端有大璫進貢折辱驛官索乾沒大用詣郵亭令開篋驗之皆胖襖遣人收捕其解戶於獄大璫甚懼求免其明練肩事類如此陞大理寺評事改戶部郎中歷官遼東陝西參政

韓應奎號東軒應庚季弟爲童子饁田之暇輒手書讀中隆慶庚午鄉試五試南宮始謁選得華陰縣知縣有惠政歷蓬萊樂安溫三縣皆以治績聞年未衰卽歸田常以睦族濟人爲念絕不一干有司歲大凶施粥賑饑給裘禦寒邑人德之二子長原濟侗儻不羣

永平府志

卷五十六

仕蹟一

二十九

仲原潔篤信秉禮並諸生濟子乾業潔子坤業庚午兵變長與仲偕亡

李安仁興州衛人隆慶辛未進士授武城令調繁興化興地利築河堤剔奸釐弊轉大理評事陞衡州太守威懾豪猾擢湖廣副使告歸

王允祥撫甯人登隆慶辛未進士任偃城令吏治澄清恩威並著縣前苦水井化甘泉咸謂善政之感行取刑科給事中激揚盡力條陳九邊要務當一嘉納之因劾江陵奪情外轉河南僉事進四川參議後轉陝西副使當事特薦者凡二十餘疏以親老力辭杜門

終養年八旬而終

王槐昌黎人貢生工書翰任中書歷工部左侍郎清慎正直不阿權貴世廟嘉其忠贈祖父如其官

齊宗堯號碣石昌黎人幼穎悟苦志力學年十八遊泮七舉不第乃以歲貢授山西屯留縣丞攝邑篆歲饑流離載途卽爲上聞開倉以賑全活者萬計又寬逋負招流亡復業者五千餘人上官廉其能陞陝西鄜州判官值西戎猖獗堯躬親訓練號令嚴明虜不敢迫陞屯留令百姓歡呼於道曰吾父母復來矣初屯無遞運夫凡有差役比戶而徵民甚苦焉堯屢請各

永平府志

卷五十六

仕蹟一

三十一

憲令沁州長子兩縣往來遞送屯民使之涖屯四載招撫流亡四千丁懇荒田二千一百頃決獄如神不避權勢藩府理問枉殺人歲餘不決兵司稔知堯強幹命鞫之堯毅然馳入王府檢屍傷竟真理問及用刑者於法又雪賈姓之奇冤申屈氏之枉坐一邑稱快有土寇楊富聚眾三千餘人分掠各邑殺沁州千戶巡撫勒兵捕討命堯率官軍二千人先往堯乃屯兵五里外單騎入山砦召酋首示以利害賊皆羅拜泣曰天使公活吾儕也卽釋甲焚砦以降尋以繁調定襄士民號泣不能留請祀名宦不數月陞汾州知

州隆慶丁卯秋虜犯境堯率素練精兵三千餘人分城固守又於城下築牆以防衝突三日部分甫定虜眾百萬破石州乘勝長馳中外震恐乃令於眾曰汝等父母妻子俱在城內當於死中求生否則無噍類矣敢下城者斬眾感奮公躬冒矢石拒敵八晝夜賊宵遁堯率眾追襲斬獲三十五級搜捕城內奸細四十餘人以功擢河東轉運同知仍攝州事益練民兵造火器積糧餉築城池統制劉見而稱之謂雄鎮之兵不如也調忻州陳兵事二十餘條雖不報而邊備已見施行矣樞省重其名方思大用終以守正不阿

力辭解組歸尋以疾卒

劉思誠字性之號定宇山海衛人萬曆癸酉舉人筮仕平原諗編徵賦設法神速鄰邑皆效法之遇荒多方拯救理訟稱平建五桂祠於鬢宮後選俊秀肄業給饌貧士婚葬不舉者捐橐助之招撫流亡蓋官房百餘閒於郊外勅立集市墾田十餘頃資以爲生遷濟南同知署篆年餘吏請盤庫思誠斥之俸工俱以原封出給不除其耗有鹽商犯科以鬻貯銀二千兩冒託餽酒當堂碎鬻解入府庫竟無赦當道議派民徭思誠勃然色變議遂寢終以忤權貴拂衣歸母每饌

必侍側舊產盡讓弟饒有孝友風平原有生祠入名宦崇正戊辰入鄉賢

韓應庚字希白東勝左衛人世有隱德曾祖文富而好施祖誠益大其業嘉靖中歲屢歉先後貸鄉人粟至二萬石不責其償父廷義生而英敏通百家眾技嘗擒巨寇以靖一方封監察御史三子應庚其長也少勵清操登萬曆丁丑進士授彰德府推官其治務廉明寬厚下車取沈獄驗問數日閒決斷殆盡受領新訟遣當直設竈公署前呼對簿者自炊未及餐而事已判矣入爲福建道御史出按甘肅值大祲不俟命

永平府志

卷五十六

仕蹟一

三十一

卽發倉粟以賑再按山東鋤強豪黜貪墨出死囚二百六十餘人時年四十七卽引疾歸日與親故徜徉山水閒於城南二十里石磯上築室名曰釣臺以圖書花鳥自娛七徵不起從不干有司遇不平事輒爲代白聞者敬信歲甲辰饑輸粟公府而施糜掩骼無虛日又鬻負郭田數百畝以贍郡邑兩庠貧士年七十有四卒祀鄉賢

馮時泰字虞廷山海衛人幼敏學寒暑不輟登萬曆庚辰進士授工部郎中管節慎庫自能握算覈積弊著聲曹署陞遼東廣甯參議築造臺堡大定老軍數十

處邊警帥不用命失事時泰奉勦略無纖隱致忤當  
事坐譴或以苞苴請時泰徐應曰吾泣官惟清慎二  
字可揭天日况君父之事烏容規避絕不爲辭尋被  
逮遼民冤之欲詣闕號鳴總督顧養謙止之乃上疏  
極爲辯雪趙相志皋張相位石司馬星皆交章力諍  
竟不白時泰以詩自歎云由來直道忤當權過貶潮  
陽路八千一掬忠肝天所鑒幾回血淚灑蠻煙竟以  
疾死獄中

高第字登之灤州人登萬厯己丑進士初令臨潁徵賦  
不拆封卽以原櫃解府力絕耗羨歲大歉賑粥療醫

永平府志

卷五十六

仕蹟一

三十三

活數萬人轉戶曹榷滸墅關舊例支河設繩防貨舟  
欄出第曰但鑣正關衣帶水足矣何淵察爲一切報  
罷陞大同守捐俸贖補宗祿三千金厯楚秦藩臬擢  
御史中丞巡撫大同費橐七千金助給撫賞尋陞兵  
部尙書楊左被逮榜掠甚慘第經筵力陳黨錮宜釋  
忠賢怒激熹宗召對切責之會甯遠警遂出第經略  
薊遼時右屯大凌河二城孫承宗已設兵戍守第來  
代盡撤之二城遂被毀崔呈秀劾之勒令閒住崇正  
初年詔復原官因己巳郡城陷復謫居無棣己卯放  
還歸里建白雲樓爲東山之墅著有太極良知等說

撫雲疏稟籟真等集年八十二卒治績載湖廣通志

名宦傳祀鄉賢

參錄  
明史

朱文運盧龍人侶子萬厯己丑進士任丹陽知縣勵精  
撫字政簡刑清邑紳大司馬姜公欲改運河於城外  
以興貿易運恐勞民固執不從後五年考績稱最竟  
遷南戶部主事時人爲之不平至任六月奉差入都  
因歸省母卒於家子方九齡宦橐蕭然繼室李氏課  
子治家不墜先業子濟美廩生亦以篤行稱

王渾然好問子萬厯辛卯舉人授中府都事厯刑部郎  
中時南康守吳寶因稅璫李道誣奏被逮然問擬還

永平府志

卷五十六

仕蹟一

三十四

職上怒罰俸三月南康得以從輕皦生光妖言事東  
省無行老生流言彼中有聞者然恐蔓延無辜解發  
山東撫按鞫問保全大族甚夥陞馬湖府知府革漆  
戶板稅修學繕城奢酋爭殺片言力解總督王象乾  
題擢遵義兵備副使下議時疏請骸骨歸尋卒著蜀  
遊草

張國祥昌黎人幼失怙恃父昂上元主簿沒遺妾王氏  
年十九砥節苦守祥奉事如禮師邑侯孟秋講學力  
行不倦後師楊公啟元悟羅近谿性命宗旨由明經  
任豐潤訓導以身率士士風丕變陞渭源令革驛弊

減雜徭除奸保良罷民再起有番里曰南川不習文  
 教祥擇其子弟朱際昌勸課讀書力薦入泮以鼓吹  
 送歸里中番人聚觀者塞道文教以興及解綬歸囊  
 無長物邑大夫及鄉里推重之尊為模範數舉鄉賓  
 趙養蔚字青城灤州人萬歷庚子舉人少負經濟略富  
 甲平灤己已戒嚴蔚捐貲建城內外礮臺造銳礮數  
 百位募丁守城費以數萬計時士紳多竄逸獨蔚守  
 孤城矢死勿移傾竭家財犒援師介馬謁樞輔於關  
 門請兵恢復事聞授中書舍人加職方主事以未通  
 籍不肯受官疏請里居大修城池禦侮之具遠近倚

永平府志

卷五十六

仕蹟一

三十五

重年六旬交贈尚寶卿祀鄉賢

案畿輔人物考養蔚喜談兵當神廟時武

備久弛養蔚尋戚少保繼光壁壘遺蹤不禁灑酒悲  
 歌己已遵永守榆關道塞邱禾嘉以兵部司官提  
 一旅駐開平糧芻匱乏蔚拮据五閱月按口而給閒  
 道三走山海關謁孫高陽閣部痛陳機宜東西合師  
 四城畢舉論功擬以司農郎酬之蔚辭仍欲會試授  
 中書丙子畿輔再被兵閣樞臺省交口推轂改職方  
 郎持節監昌薊密三鎮軍務役竣膺上賞兩功並論  
 晉尚寶少卿僉議欲試之邊撫未幾以勞瘁不起閣  
 部悼惜請恤疏云畿輔兩用兵多望風逃竄一切城  
 守急需動仰給於有司奈倉庫空耗疾呼莫應開平  
 獨屬衝繁危若壘卵趙養蔚一孝廉也乃力砥狂瀾  
 毀家急難修城繕器勞瘁九載於茲雖三遷京職俱  
 未歷任歿於王事膚功未酬目今邊隅多故正宜褒  
 死以愧生相應特示優異鼓勵天下事聞再贈尚寶  
 卿貤封三代如其官賜祭半壇歲老人曰養蔚余  
 庚子年友也生平識其面鹿忠節從孫文正於  
 關門極服其實心作事破家急公未得盡酬然得此  
 錄也蔚素志雖未得盡展積勞雖未得盡酬然得此

兩賢之知亦  
可無恨矣

趙養冲號赤霞灤州開平衛人貢士父濬丞隴西視令  
篆庫存積羨三千金久不入考覈老吏陳說可充便  
宜濬不允達兩院院請於朝一時稱廉吏冲授延安  
之甘泉令推誠待人五年奏最遷甬東別駕甘民臥  
轍者千萬人爲立祠天子璽書旌之有不愧廉吏子  
之句別駕冷署簿書期會外無他事當事檄兼定海  
縣篆邑濱大海島夷初定瘡痍未復一切善後機宜  
文武大吏倚爲左右手巨猾王萬金叢璫勢爲奸用  
睚眦仇殺人都市屢屢莫敢問占良家子女若取諸

永平府志

卷五十六

仕蹟一

三二十六

其私家攫金高北斗門下多東南亡命徒釀亂長禍  
爲地方隱憂新巡方某入境羣愬萬金不法狀下檄  
定海捕治萬金初易之笑曰癡別駕五日視事與金  
爲仇耶冲遴諸役之黠有力者捕之示與罪人互爲  
生死金託詞林某爲之治具盤盃匕多金玉主人  
酒闌促膝爲萬金道意筵案器具聊贄以充下陳冲  
佯爲不解翌日促捕益急萬金意亦動謂別駕避詞  
林知受金爾謀及館賓詹生以奇貨爲東主言冲聞  
而面赤峻拒之促捕役愈急明日萬金伏庭下稱囚  
又二日並萬金兩子亦械至冲集諸被害家焚香告

神鞫得諸淫掠貪黷狀竟斃於杖居閒竿牘湧至而

死者不復生矣

此傳案畿輔人物考補歲老人日錢至十萬通神矣無不可回之事王

萬金黃白斗量詞林曹丘館賓緩頰而聊不為動噫非中無慾烏能至是家傳中可述者不及備錄

王大智號濬宇世籍遷安父流寓玉田因家焉萬曆甲

辰進士授西安司理富平太宰孫丕揚之壻飢於法

大智曰太宰壻飢法復安所用乃下獄抵罪而謝

不佞於丕揚丕揚特重之再起掌銓政適畿輔司官

缺丕揚颺言於朝曰三輔清方士安有過王某者竟

授智智益以澄清天下為己任歷任考功代主選事

復掌計典無有敢以一幣至其門者智進署不用火

永平府志

卷五十六

仕蹟一

三十七

房備饌攜數青蚨米數合長安傳為笑談智恬然安

之崔呈秀方貴幸玉與薊相鄰絕不聞問崔常語人

曰王濬宇何獨相棄智不應輒移病歸崔魏敗起太

僕寺卿未幾乞歸天啓辛酉至崇正己巳畿東卿貳

一罹於璫逆一罹於城陷百無一全智乃以介特之

節超然事變之外人僉謂清德所致云丙子卒於家

予祭葬如制

歲寒老人曰予往聞玉田令徐廷松談公之清德後三十餘年玉田人李及秀

按豫又歷歷為予言大約一如廷松語公真清真絕俗之士也哉公不能俯仰當事孫立亭以不俯仰而

成相知若崔魏者正以不俯仰而結天下後世不俯仰人者之知丈夫自立豈可苟焉而已耶

張國瑞字兆聖樂亭人沈靜寡言家貧好讀書母臥病

累年竭力奉養與兄弟友愛無閒萬曆丙午丁未聯捷成進士年四十二邑中科里社粟以贈卻弗受筮仕蒲臺令絕耗羨去贖緩政簡刑清吏畏民懷調汾陽地爲秦蜀孔道冠蓋如織瑞多方調劑民以弗擾作興士類人文蔚起其治視蒲臺有加入爲兵部職方司主事歷車駕司郎中督十六門嚴鎖鑰勤稽察禁旅驕橫瑞詳較尺籍汰冗兵數千人無敢譁者屬邊圉多警軍書旁午徵兵籌餉悉合機宜九載樞曹本兵咸倚爲重天啟二年參政晉省轉秦中按察時藩工鼎建擴城濬河諸務煩難辦理裕如其蘇驛傳

懲貪墨抑強豪尤爲秦民所愛戴晉山西右布政使逾年改左調陝西時前後大吏多奄黨昏庸驕縱事齟齬而侃侃持正終無以奪自萬曆末天下加賦至千餘萬秦地瘠苦繼以饑荒民生愈困值延綏邊餉缺額時有脫巾之虞瑞請於上官先事預防不聽卽引疾去時崇正元年冬也未幾而邊兵飢民相繼倡亂秦事遂不可問瑞歸鍵戶著書聞中原多事輒撫髀興歎然不復作出山想矣葛巾野服時與里中父老扶杖閒行見者不知其曾爲達官也崇正十四年卒年七十六崇祀鄉賢子光允生員 國初官江

西都昌知縣

陳王庭字心龍盧龍衛人登萬曆丁未進士初任陝西  
雒川令清慎儉約凡錢穀訟獄剖斷如流吏不敢干  
以私雒川素號繁劇民玩吏刁前後令斯邑者往往  
束手王庭至令行禁止風俗一變歷陞至太僕寺卿  
天啓中魏璫用事矢貞不附先嘗巡按遼東得將士  
心遼失收養全活甚多庚午城陷王庭服董幾死復  
甦爲黃冠大帥祖大壽張存仁輩皆伏拜牀下報德  
恐後事平論者議其不死逮獄絕粒而殞

李應奎興州衛人由明經授扶溝訓導值大旱奎積誠

永平府志

卷五十六

仕蹟一

三十九

祈雨立應陞歷城縣教諭適縣令欲於文廟坐困收  
糧奎不許令固不從因歎曰微末一官職不容守尙  
可戀升斗昧吾心乎毅然挂冠歸年近九旬邑侯張  
公九三素仰奎名歲時存問數舉鄉賓且念其貧而  
無後欲爲贍養計乃笑曰清苦一生將就木矣昔閔  
仲叔不以口腹累安邑吾豈以後事累令支乎奎初  
受麟經於邑侯白公夏至今遷邑業春秋者皆其遺  
也

韓原善字繼之別號鵬南父應箕字希皋應庚之次弟  
也負文武才兼精騎射個儻尙義有古俠客風嘗出

兩嬰孺於劇盜手凡疏族貧交待以舉火者恆數十人構宗祠修世墓繕義塾動費不貲無幾微恹色以明經入對大廷不仕原善生而穎悟沈酣經史旁及青烏黃石奇門遁甲諸書靡不研究登萬曆丁未進士授青湮縣知縣吳淞久塞震澤澱湖之水合流東下民苦昏墊爲請賑請蠲平糴設粥躬行給散卒事無譁者他如裁公正均荒絕開津貼甍塘夫清漕兌無不懇惻周至邑人尸祝之調繁長洲爲吳郡首邑賦役甲天下又當水陸之衝治之獨遊刃有餘縣田一百二十二萬三千畝自勅立官甲政在鄉紳詭計

花分民戶坐困巡撫徐公請均之原善身任怨勞按畝科差增役田三萬一千四百七十頃精於造士是歲中鄉闈者十人五年考最稱廉治窩訪觸忌僅遷戶部郎在縣時父嘗斥產貽之佐廉及轉戶曹父益喜爲能不瘠民以媚當道也旋丁外艱服闋補兵部東事方棘以不次擢開元兵備拜命疏陳方略八款又言召募有六難有四易疏入上遂俞發帑金七萬四千抵關門五十日募官兵一千六百餘名馬六百五十餘騎甫出關而開元報陷乃兼程趨至廣甯先是全遼軍需仰給海運萊津歲運二十萬卸三頓牛

地距遼六百餘里水陸煩費原善冒雪行至海上經畫以登萊海蓋兩道累年會議不決者定泊蓋套歲節費數千金不帀月而完糧二十二萬丁母艱歸屢薦不起卒原善生平孝友性豪爽有遠略周人之急有如其身所著詩文八卷奏疏二卷尺牘四卷六壬指掌二卷祀鄉賢

張聯奎字輝含灤州人萬歷己酉舉人除彰德司理有張佛之頌以直忤左遷秦臬幕署商州輯流亡多善政尋復理臨洮閱河西五鎮活楊弁孥累百口臨鞏帥以幕金三百餉卻之再餽珠簾庭責其役揮去之

永平府志

卷五十六

仕蹟一

四十一

曰奈何浼我邀覃恩贈父如其官以邊才擢慶陽郡守流賊寇城單騎諭禍福輒解散因積勞謝病歸僑寓邢臺時給事馮公可賓及臺中交薦不赴邢破配田氏不屈遂遇害奎困頓旋里環堵蕭然銜杯嘯歌晏如也年六十有九無疾卒

石維嶽字五峯灤州人登萬歷庚戌進士筮中牟令以坦直拂相國謫河東鹽運司知事相國卒事乃白擢推官陞刑部主事歷郎中時魏璫焰烈奪戚畹李承恩園置之獄法司希魏意擬辟嶽抗言曰殺人媚人當何律卒以園歸李出守懷慶建告帝堂凡晝行事

錄卷焚之韓昌黎裔有在懷者式微訪得之復其業  
爲建祠置奉祀生旣而璫祠徧天下懷人以請獄曰  
俟我去若輩自爲之以故璫敗懷獨無逆祠遷長沙  
副使岷王妃奏王被弑狀下兩臺訊獄廉實逮撫按  
以下十九人崔呈秀爲魏璫義子獄以妃事觸怒且  
羣小嫉之因媒孽戍薊州妃特疏昭雪獄終不自明  
年七十餘卒崇祀鄉賢

案王漁洋池北偶談世祖章皇帝恪妃石氏灤州

人戶部侍郎申之女也申父維嶽明萬曆庚戌進士官某省副使會王府中官某鳩其王反誣其妃某弑逆撫按以下皆納其賄將具獄矣維嶽獨持不可力雪妃冤至是申生恪妃竟入宮掖人以爲救妃之報云

永平府志

卷五十六

仕蹟一

四十一

劉廷宣字化卿號方壺贈卿思誠子萬曆癸丑進士授儀封知縣黃河汎濫淪治之獲名田幾萬畝民賴以蘇正供之外無所增不判贖鍰除一切無名科斂省民鏹鉅萬設保甲法萑苻頗靖行取浙江道御史欲奏魏忠賢蠹國十四款章經通政司霍維華以年誼對使焚之云何爲起此大釁竟不上嘗疏救給事中姚宗文被斥責姚宗文者熊廷弼爲御史時與之共排東林攻道學及廷弼經略遼東宗文怨之後遂騰謗於朝疏詆廷弼御史馮三元張修德給事中魏應嘉復劾之廷弼遂罷去天啟元年瀋陽破廷臣復思

廷弼給事中郭鞏力詆之御史江秉謙言廷弼功以排擠勞臣爲鞏罪帝乃治前劾廷弼者各貶三秩除宗文名廷宣救之亦被斥當遼事之殷也御史房可壯連疏請用李三才三才者東林之結契也疏下廷臣集議廷宣復薦三才言國家旣惜其才則用之耳又何議然廣甯已有王化貞不若用之山海帝是其言卽欲用三才而廷議相持未決事遂寢出按陝西轉大理丞尋因母老請終養以本寺左少卿歸崇正

初病卒

參錄明史案明史御史劉廷宣以疏救姚宗文被斥事見熊廷弼傳而其挂名逆案亦附

見霍維華傳乃邑志於其劾魏忠賢疏爲霍維華所焚輒以不先楊左而摧虎吻爲幸持論殊未允當蓋

永平府志

卷五十六

仕蹟一

四十二

維華與崔呈秀爲逆璫謀主時目維華爲五虎之一而竟聽維華焚疏不敢抗言是卽不能自絕於逆黨矣志顧幸其不同於楊左可乎又考李三才傳天啟元年遼陽失御史房可壯連疏請用三才有詔廷臣集議御史劉廷宣復薦三才言國家旣惜其才則用之耳又何議帝是其言卽欲用三才而廷議相持未決事遂寢當其時攻三才者衆而廷宣薦之是固未嘗多忤於東林君子也爲之傳者不取其薦三才而稱其聽維華是沒其善而不稱反以阿附爲美談矣何哉

白廷魁字復古號雪軒灤州人由明經任臨縣令出供具學宮月再課士歲以爲常催科不擾訟獄者理而遣之不責贖緩時稅桑田助耕斂以不善俯仰中忌調簡遂拂衣歸以壽終

王調元字燮伯號和陽撫甯人少孤奉母王氏至孝年

十七爲諸生嘗讀書僧舍雜鐘魚梵唄閒二十年如  
一曰萬厯戊午舉鄉薦謁臺使劉公臚母守節撫孤  
狀疏奏奉旌因母老仕嵩縣教諭倣胡安定教士法  
有勢家僕辱士元不畏強禦力培士氣陞臨朐令時  
流寇犯河南朝議以修城垣練鄉勇爲守令殿最胸  
城故版築地高無水廩閉鱗次附女牆而居者千餘  
家令下之曰元曰賊遠在二千里外先使吾民婦子  
露處失業是人心先自解也值憲司單騎來視高墉  
屹屹守禦之具畢備深歎其言爲是調知滕縣先是  
妖賊徐鴻儒之亂滕人死者無算又地鄰曹濮多椎

埋探丸之盜元嚴法令有犯必誅於是奸盜屏息境  
內肅然亡何以戇直罷歸家居三十年未嘗一履公  
庭故人在銓部招之不往又屬臺使起之堅以疾辭  
生平重然諾不以生死盛衰變易年八十有五卒少

宰石公申儀部余公一元表誌其墓

附宋琬王和陽先生傳王公諱調元字變甫號和陽  
其先晉人也明洪武初始祖孝通遷撫甯之深河里  
七世皆力田公父蓋唐公始爲儒折節讀書爲諸生  
有聲公生甫期而蓋唐公卒母王孺人撫之食貧搯  
拄無閒風雨寒暑歲時伏臘抱兒以見於廟且泣且  
祝曰未亡人所不卽從地者以藐諸孤在也顧安  
得見其任衣冠以一孟麥飯澆爾冢上草乎公爲  
兒時卽蘄然露頭角既稍長痛其早孤自傷不比於  
人於是博極羣書所學大就十七補博士弟子員學  
使者奇愛之使食餼焉嘗讀書維摩方丈中丙夜伊

恩勤拊育至於今抱孫矣迺得乞骸骨歸田里非大	而人希鞠膺為太孺人壽以六尺孤外孫若	數被州縣破者十直論劾歸公及內而	為下也居何者太公歸二年而	檄太守再擇署於邑守積平曰此	邑令何足惜如疲邑民何撫軍之戒	兩鄰失火猶不理之救火而息而	夜爬梳懼將以困之也言之撫軍曰	公請攝篆將以困之也言之撫軍曰	公可乎公顧吾方有水衡大農急	此舉良快顧吾方有水衡大農急	廠驛及積逋之民者六萬兩守嚴	誅於是奸盜屏息內肅然治也	為民害公曰是埋探丸盜奸吏舞	剽悍疾多椎埋探丸盜奸吏舞	徐鴻儒之亂滕人死無算又其地	調以聞便於宜選良吏以應詔	計臣愚以為宜選良吏以應詔	南之衝賊渡黃河而比暮文武	也御史張公盛美滕人也上疏曰	屹睥睨相望而守禦之具悉畢	金湯之固吾誰與守禦之具悉畢	千里外而使吾民婦子處是	須築也青州道居千餘家檄切責	鱗次附女牆而守殿者嚴令下	廩備器械為守令殿者嚴令下	過郡邑多破之吏廷用欺民議	平簡易治之吏廷用欺民議	好訟猶有六博如太孺人稱善	事大太孺人乃已其不畏強	知縣不謹於市者公曰士始知	恐謝諸生相切劘職乃除嵩	辱與諸生相切劘職乃除嵩	法與諸生相切劘職乃除嵩	未以貞節乞署教職乃除嵩	氏貞節乞署教職乃除嵩	表如儀烏頭楔里大泣者皆	節撫孤狀以請劉公慟然上	午舉順天鄉薦劉公臺為之	唔雜鐘魚梵唄間朝齋暮鹽
----------------------	-------------------	-----------------	--------------	---------------	----------------	---------------	----------------	----------------	---------------	---------------	---------------	--------------	---------------	--------------	---------------	--------------	--------------	--------------	---------------	--------------	---------------	-------------	---------------	--------------	--------------	--------------	-------------	--------------	-------------	--------------	-------------	-------------	-------------	-------------	------------	-------------	-------------	-------------	-------------

永平府志

卷五十六

仕蹟一

四十五

人之賜不及此太孺人喜為舉一觴已而以病卒公  
哀毀逾制充充如不欲生喪葬畢語所親曰使吾不  
以得罪上官斥安能視慈母之含襚乎迺知忌者之  
言適所以成吾志也公家居三十年足未嘗一履公  
庭邑宰到門多以病辭故人在選部者數以書招之  
且屬臺使者起之公笑而謝之曰欲以我為嵇中  
散耶孝廉張君啟源與公為莫逆之交以其季女為  
公子運恆婦既委禽矣而張君早世庚午灤州城陷  
女在兵間公贖以金帛而為運恆娶焉或以為言公  
曰吾豈以死生患難負我良友哉季子運明妻詹氏  
父世烈判禹州而客死公為歸其旅櫬而養其寡妻  
誠季子以母事之凡此皆人所難能者而公顧毅然  
為之雖前史所載范巨卿第以孝謹敦睦勿忘祖考  
五月寢疾彌留諸子侍側弔莫不流涕歎息而去  
之艱難為言卒之日親黨咸弔莫不流涕歎息而去  
公生於萬曆庚辰月親黨咸弔莫不流涕歎息而去  
日享年八十有五少宰石公申儀部郎余公一元嘗  
表誌其墓矣以故子孫世系多載為著其大者如  
此宋琬曰余家青齊之間驅車而過駢邑之墟其父  
老多言王公之為宰誠長者也後余持節右北平嘗

永平府志

卷五十六

仕蹟一

四十六

一再造其廬王公輒謝不見然知其為篤行君子也  
及聞張孝廉之事不以生死盛衰易心何其深於義  
耶夫燕趙古多悲歌慷慨之士而不少概見  
何哉若王公者斯無愧焉嗚呼徒循吏也哉

馮運泰字六符灤州人斗華長子萬曆己未進士弱冠

登賢書聲譽藉甚事繼母以孝聞尤篤友愛令堂邑

聊城以和靜豈弟為治恤民造土兩邑爭尸祝之陞工

部郎監修三殿綜覈勤密省帑金數萬兩序功擢太

僕卿假歸省視以違限奪官父子並祀鄉賢

陳三緯字泰華灤州人以明經除修武丞精毅廉潔弗

染習污遷鎮原令漢史高平第一壘也荒敞特甚撫

恤瘡痍捐俸薪代完逋賦請告歸里解橐助城工行

誼咸推長者崇祀鄉賢

齊鳴鳳字君瑞號芝岡昌黎人宗堯長子萬厯乙卯選貢除山東高苑令秉公持法豪強斂跡民大稱快尤軫恤民隱養老長孤立社師以訓子弟建社倉以備凶荒給耕牛以助貧農循行郊野親講鄉約歷任三四載邑以治稱獎檄二十六薦疏三陞遼東自在牧去之日邑人攀擁者以萬計接篆視事懲舞文書吏卻將領餽遺承委踏勘事事躬親規畫邊務言皆中款然終以強項爲巨室所擠解組歸里自奉儉薄勤於農事積穀豆若干值歲稔悉散諸宗姻及里社之

永平府志

卷五十六

仕蹟一

四十七

不給者性喜詩文不事雕琢片刻可揮十數篇著有時務論若干條藏於家

齊鳴雷號春岡昌黎人由貢生任林縣知縣涖政廉明有古良吏風居鄉醕篤有古君子風祀鄉賢

萬人傑字鍾嶽昌黎人廉潔孝謹尤長於兵事崇正庚午之警倡團守禦不避矢石閒令童子執花籃作韓湘子狀望者驚以爲神不敢近城得以全由歲貢司祁州訓值東兵內犯州牧不知所往人心惶懼傑與紳民聯爲一體誓以死守旣而料敵制勝城卒獲全陞東安縣教諭事蹟詳載祁州守城碑記

倫之楷字百式灤州人天啟丁卯舉人夙負經濟有應  
變才知滎潁時值大盜號一條龍者糾衆圍城年餘  
百計攻擊楷亦百計應之乘夜晦出奇兵盡殲其醜  
敘功以卓異召對平臺擢御史奉命巡漕擒大蠹以  
清漕政鬚髮爲白劾逃帥懦撫論陳啟新以上書倖  
得給事直聲震殿陛丁內艱歸值國變輒痛哭不食  
欲以身殉家人防之嚴弗克遂志髮終不髡兀坐一  
室會部牒下郡縣強以官長吏及當道欲要一見楷  
塞其門終不出未幾以抑鬱癱發於背死祀鄉賢

張汝賢字景宣灤州人天啟丁卯舉人任定陶令清廉

永平府志

卷五十六

仕蹟一

四十八

愛民事至立斷時羣賊蜂起賢不動聲色密計招誘  
得通巢穴擒獲渠魁李之茂等四境肅清擢鞏昌郡  
丞值流寇攻城畫戰守奇策以功陞臨洮府知府遷  
莊浪道以勞瘁乞休歸里年七十二卒祀鄉賢

翟凌雲字崑瀛撫甯人由明經授肥城令不畏權勢除  
巨奸大蠹擢兗州府同知濬河月功省帑銀四十萬  
爲共事者所忌罷歸林下三十餘年闔門養重稱鄉  
望焉

龍呈圖昌黎人積學富文天姿和厚由明經任鄧州佐  
陞山東都司經歷廉靜有爲解組歸崇正庚午以守

城功加四品服授中憲大夫

蕭奇棟號擎元撫甯人由恩貢任蒲令時流寇猖獗民不聊生棟多方撫循悉備戰守之具百姓恃以安輯一時戴之尋陞南陽府同知卒於官

王之葵撫甯人由明經任徐州州判智明膽決不肯阿徇當流寇之亂州牧自焚葵亦自盡士民力救得免以徐水陸要衝憲司勉以代篆視事三載撫恤瘡痍安輯流離民得復業一時賴之

馬鼎昌黎人監生性淳厚厭浮華任主簿清聲懋著士民望之

永平府志

卷五十六

仕蹟一

四十九

王可詔昌黎人任鞏昌府推官涖政嚴明陞臨洮府同知

詹廷字忠卿號紹山尚書榮之孫由諸生補廕筮南通政幕以吏才著陞順天府別駕南比部主事遷本部郎中出爲廣南太守時奢酋叛滇南一帶搖動廷赴任被圍賊脅降至再誓以全家殉賊揣廷志不奪稍縱閱月得乘閒出遂達省備陳賊形及守禦之策捐俸以助軍需涖任二載多善政除蠹愛民寬猛兼濟奏最之日輿疾歸廣南士民建祠祀之

崔從教遷安人由鄉進士除太原令崇正閒巡撫宋統

殷援勦流賊檄從教司餉隨署縣事時城南下路將  
李春芳縱兵大掠公力禁得止又念賊病渴潰城恐  
賊亦以渴制我遂建議築水城兵荒後饑疫大行請

賑蠲租全活甚眾

山西通志

劉廷徵山海衛人舉人崇正閒爲雒南令博學能文泣  
治誠信剛正不阿時流寇數十萬攻城浹月廷徵殫

力守禦賊引去人追思之

陝西通志

劉江山海衛總旗驍勇有謀略洪武末從靖難累建殊  
勳陞中軍督都府左都督永樂中鎮守遼東勦殺倭  
寇有功進爵廣甯伯卒贈廣甯侯

永平府志

卷五十六

仕蹟一

五十

韓志字英氣昌黎人父文以靖難功官大甯都司指揮  
僉事志襲職從征有功正統閒調邳州衛撫養士卒  
訓練依司馬兵法下皆畏而愛之十四年虜入寇被  
薦入衛陞署都指揮僉事提兵出哨棗林諸處景泰  
初從武靖侯駐大同虜寇北門外志奮先突陣大破  
走之陞署指揮同知天順改元加陞中軍都督府都  
督僉事五年平逆賊曹欽陞都督府同知掌五軍營  
忠慎勤勞英宗大嘉之時命帶刀侍衛寵遇日加八  
年疏請致仕乃歸老邳衛日事農圃賢士大夫樂與  
之遊歷二十餘年卒

蕭陞撫甯衛僉事累陞馬蘭峪參將嘉靖癸巳大同內  
變結連北鹵兵部推陞以副將協守大同陞至兵事  
戒嚴內外不通陞詣督撫獻擣巢計以賊全部在內  
巢穴必虛督撫任之賊遂瓦解陞前軍都督僉事鎮  
守薊州卒賜祭葬

劉淵山海衛僉事剛之孫剛視山海篆有名淵自三河  
黃花鎮守備入坐顯武營歷延綏遊擊宣府參軍遷  
協守副總兵陞後軍都督僉事挂鎮朔將軍印改鎮  
薊州有名調提督西官廳聽征總兵官贈剛及父鎮  
官